

OECD Gaidens bilong ol Maltinesenel Entaprais

Wanpela maltinesenel bisnis i bin bagarapim yu, kominiti o envairomen bilong yu?



Ating ol i bin brukim OECD Gaidens bilong ol Maltinesenel Entaprais ... Wanpela 'nesenel kontek poin' i ken helpim!

Wanpela 'multinesenel' em i wanpela bisnis we i wok long moa long wanpela kantri. Wanpela lokal bisnis i ken stap insait long wanpela multinesenel.

Wanem em ol 'OECD Gaidens'?



Ol OECD Gaidens bilong ol Maltinesenel Entaprais long **Responsibel Bisnis Kondakt** (OECD Gaidens) em ol standet bilong pasin we i strongim ol maltinesenel bisnis long mekim gutpela wok, long wanem hap ol i wok long en. Ol OECD Gaidens i karamapim ol raits bilong ol manmeri, raits bilong ol wokman, envairomen na ol narapela samting.

OECD em i wanpela intagavman ogenaísesen we i save promotim ol intanesenel standet.

Wanem samting em 'nesenel kontek poin'?

Moa long 50 pela kantri i gat ol **nesenel kontek poin bilong risponsibel bisnis kondakt** long helpim stretim ol komplek egensim ol maltinesenel bisnis we i 'link' wantaim ol dispela kantri. Ol dispela kantri i stap long [websait bilong OECD](#).

Wanem ol samting mi ken komplek long en?



Yu i ken komplek long pasin bilong bisnis we i go long:

- ol raits bilong ol manmeri, ol raits bilong ol wokman, envairomen na senis bilong klaimet
- ol toksave bilong ol kampani, korapsen, pasin bilong no laikim kompetisen na pasin bilong abrusim takis
- gutpela wok saiens na teknoloji na lukautim ol manmeri husait i saveh baim ol samting.

Lukim [websait bilong OECD Gaidens](#) long kisim moa infomesen.

Kantri bilong mi i no gat nesenel kontek poin. Mi ken komplem yet?

Yes, tru tumas! Yu i ken komplem i go long nesenel kontek poin bilong narapela kantri sapos dispela maltinesenel bisnis yu komplem long en i link go lo dispela kantri. Link i minim olsem bisnis i:

- kam long wanpela kantri we i gat nesenel kontek poin, o
- i wok long wanpela kantri we i gat nesenel kontek poin.

Eksampel, em i ken link sapos hetkota bilong em i stap long wanpela kantri we i gat nesenel kontek poin o em i gat ol bisnis o aset insait long wanpela kantri we i gat nesenel kontek poin.

Hau bai mi komplem?

Pastaim, makim wanpela nesenel kontek poin insait long wanpela kantri we i link long bisnis (lukim antap) na bihainim ol step long websait bilong ol na mekim wanpela komplem.

Komplem bilong yu i mas tokaut long hau yu ting bisnis i brukim OECD Gaidens na wanem samting yu laikim bisnis i mas mekim.

Yu i ken askim narapela man olsem wanpela non-gavman ogenaísesen (NGO), long mekim komplem long nem bilong yu tu.

OECD Watch, em i wanpela global netwok bilong ol kominiti na ol NGO, em i gat [edvais long raitim wanpela gutpela komplem](#).



Eksampel: Skenim QR kod long lukim [komplem fom bilong nesenel kontek poin bilong Ostrelia](#).

Wanem samting i save kamap taim mi komplem?

Nesenel kontek poin bai sekim sapos komplem bilong yu i involvim wanpela maltinesenel bisnis we i wok wantaim wanpela kantri we i gat nesenel kontek poin, na sapos ol wok bilong bisnis i stret wantaim OECD Gaidens.

Sapos olsem, nesenel kontek poin i ken helpim yu long toktok wantaim bisnis o askim bisnis long givim infomesen we bai i stretim komplem bilong yu. Sampela nesenel kontek poin i ken pablisim tu wanpela stetmen sapos ol i ting bisnis i bin mekim gutpela wok na bihainim ol OECD Gaidens.

Ol komplem i stap hait tasol yu mas larim nesenel kontek poin long serim sampela infomesen wantaim bisnis bai ol i ken bekim gut. Sapos yu wari olsem komplem inap putim yu long hevi, yu i ken askim nesenel kontek poin long hau em i ken helpim yu long menesim dispela, eksampel long rot bilong wanpela komplem we yu noken kolim nem bilong yu.

Bilong wanem yu mas komplem long wanpela nesenel kontek poin?

Sapos yu komplem i go long wanpela nesenel kontek poin dispela i save kirapim pablik awenes na dispela i min olsem bisnis bai tingim komplem bilong yu. Bihain long toktok, bisnis i ken senisim pasin bilong em, tok sori o helpim long stretim ol hevi. Ol nesenel kontek poin em i no kot o polis, olsem na em i fri na yu no nidim loya. Na tu, sapos yu laik, yu i ken rausim komplem bilong yu long wanem taim yu laikim. Painimaut moa tude!